



22. oktober 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Namminersorlutik Oqartussani Inatsisinik atortitsinermit pisortamik pissutissaqarani soraarsitsineq pillugu suliamut apeqqutit:

1. Piffissami 2012-mi januarip ulluisa aallaqqaataaniit ulloq mannamut Inatsisinik atortitsinermit allaffimmi inatsisilerituut amerlanerpaagamik qassiusimappat aamma ikinnerpaagamik qassiusimappat?

2. Piffissami 2012-mi januarip ulluisa aallaqqaataaniit ulloq mannamut Inuutissarsiornermit Aatsitassanullu Naalakkersuisoqarfimmi inatsisilerituut amerlanerpaagamik qassiusimappat aamma ikinnerpaagamik qassiusimappat?

3. Piffissami 2012-mi januarip ulluisa aallaqqaataaniit ulloq mannamut Inuutissarsiornermit Aatsitassanullu Naalakkersuisoqarfiup eqqartuussissuserisunik sulisitsinerminut aningaasat qassit atorsimavai?

4. Katillugit aningaasat qanoq amerlatigisut Inatsisinik atortitsinermit allaffiup atorsimavai eqqartuussissuserisunik sulisitsinerminut piffissami 2012-mi januarip ulluisa aallaqqaataaniit ulloq mannamut?

(Inatsisartunut ilaasortaq Jens B. Frederiksen, Demokraatit)

Tungavilersuut:

Namminersorlutik Oqartussani inatsisinik atortitsinermit pisortap soraarsitaanera pilugu Naalakkersuisut eqqartuussissuserisumut imissutigisimasaat nassuiaat tamanut saqqummiunneqarmalli marlussoriarlunga apeqquteqartarsimavunga ersersikkumallugu nassuiaammi sukumiisumik eqqartuussissuserisut misissuitinnissaannut piumasaqaatit malinneqarsimanersut: Nassuiaat naapertuunnersoq aamma suliamik illuinaasiarluni saqqummiussisoqarsimannginnersoq imaluunniit paasiniarlugu taamallaat siunertarineqarsimanersoq inatsisinik atortitsinermit pisortap ajortisarnissaa.

Maluginiakkama ilagaat, nassuiaat atuarakku, nassuiaat ilanngunneqarsimasoq, taanna nassuiaat Inuutissarsiornermit Aatsitassanullu Naalakkersuisoqarfimmut piniarneqarsimavoq inatsisinik atortitsinermit pisortap soraarsinniarlugu eqqarsaateqarnermut atatillugu:

” Inatsisinik atortitsinermit immikkoortortaqarfimmi pisortatut sulissagaanni, inatsisilerinermit annertuumik piginnaaneqarnissap saniatigut, politikkimut paasinnillaqqissuunissaq taamatullu Namminersorlutik Oqartussani naalakkersuisoqarfiit iigaat pitarlugit suleqateqarluarsinnaanissaq pisariaqarpoq. Aatsitassanut naalakkersuisoqarfiup ajoraluartumik arlaleriarluni paasivaa, inatsisinik



atortitsinermit pisortaq taamatut atorfeqarnissaminut piginnaasaqarsimanngitsoq piginnaaneqaranilu. Pineqarput ingerlatsinermit inatsisinut naliginnaasunut ilisimasaqannginneq aammalu aqqqissuussinermit politikikkut aqunneqartumi ajornartorsiutinik iluarsinissamut piginnaasaqannginneq”.

Oqartariaqarpunga isornartorsiuneq sakkortusoq – kisianni aamma Namminersorlutik Oqartussat iluani inatsisilerituut pisortaannut isumalluarneq nuanniippoq ernumanarlunilu: Naatsorsuutigineqarpoq ”poliltikkimut paasinnillaqqissuunissaq” politikkimut arlaannaannulluunniit atannginnissaq, ilinniakkanik malinneqqissaarnissaq aamma malittarisassanik atuuttunik pinngitsoorani malinnikkusuttuunissaq, pineqaratik.

Naalakkersuisulli eqqartuussissuserisuata oqaaseqanngilaq. Taamaallaat oqaatigaa, naalakkersuisoqarfiup isumaa naapertorlugu inatsisinik atortitsinermit pisortap naliliinerluttarsimaneri pillugit assersuutit arlallit nassuiaammut ilanngunneqarsimasut.

Naalakkersuisut eqqartuussissuserisuata qissimissimanngilaa pisumut atatillugu nassuiaammi isornartorsiuneq sakkortooq ilumut pissutissaqarsimanersoq. Taamaallaat – nassuiaatip quppernerisa 28-anni – oqaatigineqarpoq Namminersorlutik oqartussani Aningaasaqarnermut Sulisoqarnermullu aqutsivimmi nalilerneqarsimasoq, Inuutissarsiornermut Aatsitassanullu naalakkersuisoqarfimmeersoq nassuiaat pissutaalluni naammattumik tunngavissaqanngitsoq inatsisinik atortitsinermit pisortap soraarsinnissaa imaluunniit peersinnissaa. Taavalu qupperneq 44 –mi oqaatigineqarpoq, nassuiaammi taaneqartut pissutsit eqqartuussissuserisup naliliinera naapertorlugu, inatsisinik atortitsinermit pisortamik soraarsitsinermit tunngavigneqarsinnaanngitsut sioqqullugu mianersoqqusummik unnerluussummilluunniit tunniussisoqarsimanngippat.

Naalakkersuisut eqqartuussissuserisuata aamma isummerfiginngilaa, inatsisinik atortitsinermit pisortaq pisariaqartitsineq naapertorlugu sulisoqarsimanersoq. Tassa naammattunik sulisoqarsimanersoq. Isuma naapertorlugu tamanna nassuiaammi amingaataavoq annertoq.

Inatsisinik atortitsinermit pisortaq inatsisilerituunik qassinik sulisoqarsimava? Aamma assersuutigalugu: Inuutissarsiornermut Aatsitassanullu Naalakkersuisoqarfik qassinik inatsisileritooqarsimava? Naalakkersuisoqarfiup eqqartuussissuserisunut aningaasat qassit atorsimavai?

Taamaattumik soqutiginaateqarpoq, Naalakkersuisut eqqartuussissuserisuata nassuiaammimi oqarmat, inatsisinik atortitsinermit pisortaq februarimi, naalakkersuisoqarfimmi pisortaagallartoq Søren Stach Nielsen avaqqullugu, Siulittaasoqarfimmi immikkoortortani assigiinngitsuni pisortanik ataatsimiigaaqqusisimammat (Siulersuisut allatseqarfiat, nunanut allanut pisortaqarfik, tusagassiivik), tamanna Søren Stach Nielsenip isumaa naapertorlugu tatiginannginnermut suliassallu ingerlasarnerannut paasisimasakinnermut takussutissaavoq. Ataatsimiinnerup pineqartup imaqaqarniliornerani (30. maj suliarineqartumi; ataatsimiinnermiit qaammatit sisamat ingerlareersut suliarineqarsimasumi, ullualunnguit ingerlareersullu inatsisilerinik atortitsinermit pisortap piumasaqareersorlu Julie Rademacherip qinnuteqaataanut atatillugu suliami allattugaatinik takuserusulluni qinnuteqaat akuerineqassasoq)



takuneqarsinnaavoq inatsisunik atortitsinermut pisortaq ataatsimiigiaqqusisimasoq pisariaqarmat Siulittaasoqarfimmi immikkoortortat ataasiakkaat missingersuutaasa aalajangersaaviginissaat aamma pisortaqarfimmi pisortaagallartup Søren Stach Nielsenip tamakku aalajangigassat sumiginnarsimammagit.

Matumani pissutaanerluni inatsisunik atortitsinermut pisortap ikioqqunera, sulisunik amingaateqaannarani aamma aningaasassaqaqsimanngimmat atorfinitsitsinissaminut? Apeqqulli taanna ajoraluartumik Naalackersuisut eqqartuussissuserisuata qissimipajussimanngilaaluunniit.

Apeqqut taamaallaat pingaaruteqanngilaq inatsisunik atortitsinermut pisortamik eqqunngitsumik soraarsitsinermut atatillugu. Aamma soqutiginarluinnarpoq nassuiartissallugu Inatsisunik atortitsinermut allaffimmi sulisut suli ikippallaarsimanersut. Tusatsiakkat ilu Moorpata Inatsisunik atortitsinermut allaffimmi ullumikkut taamaallaat inatsisilerituut marluk sulipput. Paarlattuanik Naalackersuisut siulittaasuata (ukiuni 15-ni siulittaasuusarsimasuni siullersaalluni) pisariaqartissimavaa marlunnik allatseqarnissani taamaattumillu atorfirmik allamik inuttassarsiuussilluni allagarsiisariaqarsimavoq. Tamanna ilu moorsimappat piffissami matumani Naalackersuisut pingaarnersiuisarnerannut oqaluttuartupilussuuvoq...

Apeqqutit akeqquneqarput ullut suliffiit naliginnaat qulit iluanni.